



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA NOVO SARAJEVO
JAVNA USTANOVA OSNOVNA ŠKOLA „GRBAVICA I“

Na osnovu ovlaštenja iz člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), postupajući na osnovu člana 57., a u vezi sa članom 8. Zakona o zaštiti ličnih podataka („Službeni glasnik Bosne i Hercegovine“, broj: 12/25) i člana 6. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), a u skladu sa odredbama Konvencije o pravima djeteta, školski odbor JU OŠ „Grbavica I“ Sarajevo na svojoj 52. redovnoj sjednici održanoj dana 10.11.2025. godine, donosi:

ODLUKU

o uspostavi i vršenju videonadzora u JU OŠ „Grbavica I“ Sarajevo

Član 1.

(Predmet odluke)

Ovom odlukom se uspostavlja i vrši videonadzor u Javnoj ustanovi osnovna škola „Grbavica I“ Sarajevo (u daljem tekstu: Škola) na adresi Grbavička 14, općina Novo Sarajevo, 71 000 Sarajevo, te se propisuje svrha njegovog uspostavljanja i pravila obrade, čuvanja i korištenja podataka dobivenih putem videonadzora.

Član 2.

(Svrha)

Videonadzor u objektu Škole vrši se s ciljem zaštite sigurnosti učenika, zaštite života, zdravlja i slobode svih prisutnih lica u objektu i imovine ustanove kao javnog vlasništva, a u skladu sa zakonom kojim se reguliše zaštita ličnih podataka.

Član 3.

(Video nadzor)

- Videonadzor obuhvata unutrašnje i vanjske kamere, monitor za praćenje u realnom vremenu i uređaj za snimanje i pohranjivanje videozapisa.
- Videonadzor iz člana 2. ove Odluke vršit će se na ulazima u zgradu Škole, hodnicima i stepeništima, i na vanjskom zidu zgrade Škole na adresi Grbavička 14, **sljedećim kamerama:**

- **Kamera 1 – snima prilaz Školi (postavljena vani);**
- **Kamera 2 – snima park ispred Škole (postavljena vani);**
- **Kamera 3 – snima službeni ulaz u Školu (postavljena vani);**
- **Kamera 4 – snima hol Škole (postavljena u prizemlju);**
- **Kamera 5 – snima hodnik ispred zbornice i kancelarija (postavljena u prizemlju);**
- **Kamera 6 – snima stubište i dio hodnika (postavljena na II spratu);**
- **Kamera 7 – snima sportsko igralište (postavljena vani);**

- Kamera 8 – snima službeni ulaz u Školu (postavljena u prizemlju);
- Kamera 10 – snima hodnik ispred učionica (postavljena na I spratu);
- Kamera 11 – snima umivaonike u prostoriji ispred, ali izvan, muškog toaleta (postavljena na I spratu);
- Kamera 12 – snima dvorište ispred đачkog ulaza (postavljena vani);
- Kamera 13 – snima stubište i hodnik u kojem su učionice (postavljena na II spratu);
- Kamera 14 – snima đачki ulaz (postavljena vani);
- Kamera 15 – snima stubište i hodnik u kojem su učionice (postavljena na I spratu);
- Kamera 16 – snima hodnik u kojem su učionice (postavljena na I spratu);

- Škola ima ukupno petnaest aktivnih kamera.

- Kamere su postavljene shodno tehničkim mogućnostima, na osnovu organizacijskih i bezbjednosnih potreba.

- Svaka kamera postavljena je sa isključivim ciljem postizanja zaštite sigurnosti učenika, zaštite života, zdravlja i slobode svih prisutnih lica u objektu i imovine ustanove kao javnog vlasništva, a u skladu sa zakonom kojim se reguliše zaštita ličnih podataka

Član 4.

(Zabrana videonadzora)

- Videonadzor nije dozvoljen u kancelarijama, zbornici, učionicama, fiskulturnoj sali, svlačionicama, kuhinji, prostorijama produženog boravka, niti sanitarnim prostorijama.

- Fokus snimanja kamera videonadzora ne može biti na praćenju rada uposlenih, to jeste nadzora obavljanja njihovih svakodnevnih poslova, kao ni dolazaka-odlazaka iz Škole, već na zaštitu osoba i imovine, odnosno, osiguranja najboljeg interesa djeteta i pravilnu brigu za dobrobit njegovog fizičkog i mentalnog zdravlja i sigurnosti.

Član 5.

(Ovlaštena osoba ispred Škole)

- Ovlaštena i odgovorna osoba koja ispred Škole ima pravo pristupa osobnim podacima i prostoriji u kojoj je smješten uređaj za nadziranje (monitor) i uređaj za snimanje je osoba zaposlena na radnom mjestu – *direktor* Javne ustanove osnovna škola „Grbavica I“ Sarajevo.

- U slučaju odsustva osobe zaposlene na radnom mjestu *direktor*, navedeno ovlaštenja i obaveze koje proizilaze iz istog prenose se na osobu koja bude ovlaštena da u odsustvu direktora obavlja poslove radnog mjesta – *direktor*.

- Ovlaštena osoba snosi punu odgovornost za obradu i zaštitu ličnih podataka nosilaca.

- Uređaj za snimanje kao i uređaj za nadziranje nalaze se isključivo i jedino u kancelariji direktora Škole.

- Osoba zaposlena na radnom mjestu direktora Škole jedina će imati u posjedu šifru za pristup podacima na uređaju za nadziranje i snimanje u okviru videonadzora Škole.

- Zabranjuje se ovlaštenoj osobi da bilo kome bez posebnog ovlaštenja od strane školskog odbora, odnosno drugog pravno-relevantnog ovlaštenja, ustupi šifru.

- Ovlaštena osoba je dužna postupati u skladu sa odredbama Zakona o zaštiti ličnih podataka Bosne i Hercegovine i drugih pravno-relevantnih akata i propisa.

Član 6.

(Obrada ličnih podataka putem videonadzora)

- O videonadzoru iz člana 3. ove Odluke vodi se zbirka ličnih podataka.
- Obrada ličnih podataka nosioca podataka koji su prikupljeni putem videonadzora Škole vrši se u obliku zapisa/snimka koji sadrži sliku, datum i vrijeme.
- Lični podaci iz zbirke ličnih podataka pohranjuju se na uređaj za snimanje, i isti se čuvaju najduže 30 dana od dana nastanka. Manuelno brisanje videozapisa nije dozvoljeno.
- Uvid u zbirku ličnih podataka iz ovog člana može se dozvoliti samo ovlaštenim službenim licima nadležnih sudova, tužilaštava i policijskih agencija Bosne i Hercegovine na pisani zahtjev uz valjan pravni osnov potraživanja, u skladu sa odredbama pravno-relevantnih propisa iz oblasti zaštite ličnih podataka i zaštite prava djeteta.

Član 7.

(Obavještenje o videonadzoru)

- Učenici Škole, uposlenici, kao i svaka druga osoba koja pristupi objektu Škole biti će obaviješteni putem istaknutih i jasno vidljivih obavještenja da je objekat pod videonadzorom.
- Obavještenja o videonadzoru će biti istaknuta u svakoj prostoriji, odnosno na svakom mjestu koje podliježe videonadzoru.

Član 8.

(Stupanje na snagu)

- Ova odluka stupa na snagu danom donošenja i biti će objavljena na oglasnoj ploči i web stranici Škole. Za sprovođenje Odluke zadužuje se direktor Škole.
- Stupanjem na snagu ove Odluke prestaju da važe svi raniji pravni akti Škole kojima se uređivala uspostava i vršenje videonadzora u JU OŠ „Grbavica I“ Sarajevo

Broj: 1635/25

Sarajevo, 10.11.2025. godine

Predsjednik Školskog odbora

Bakir Krajinović

Dostavlja se:

- oglasna ploča Škole,
- web stranica Škole,
- a/a.